



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt XLII.

urn:nbn:de:hbz:466:1-11453

patre ab Alberto marchione, & redijt cum eodē: Nunc altera vice ab Hērico pellitur Adolphus tertius, is, quem casus apud Demyn pater admodum paruulum reliquit.

CAPVT XLII.

Imperator Fridericus audiens Henricum destitutum Imperij beneficijs, prosperē in hostes agere, sententiam in eum suam ipse exequi properabat. Ergo exercitu valido conscripto, descendit in Saxoniam: nec erat, qui venientem Imperatorem, & suo honore, & Henrici odio non cupidē exciperet. Transierunt quoque nonnulli ad Imperatorem, timore perciti, qui à parentum suorum memoria, semper duci parebant, Hartesborg, Leuenborg, Blankenborg, Henneberg, Regensteen. Horum praesidiorum comites cesserunt Imperatori. Conuertit autem exercitum ad expugnandam arcem Lichtenberg, quia contumaciam ostendere videbantur qui tenuerunt. Sed tamen, cum defensorem nullum prospicerent, Casari cesserunt. Circa quos dies mortuus est Casimirus dux Pomerania, Henrico satis iunctus: Nā Buggeslaus Imperatori tributa persoluit. Arcem Hartesborg, tanquam Saxoniam grauiter imminentem, Imperator iussit reparari. Qui verò inerant arci Waldenberg, munitioni fidentes, aliquandiu restiterunt: Sed & illi cesserunt victori. Interea Henricus dux, non ignorans propinquare Imperatorem, communiuit arces ad Albim & in Holsatia, sperans virtuti Imperatoris illudere, si non posset elidere. Bernhardum autem comitem de Raceburg insinulauit, quod in eum cum ceteris coniurasset, instituto tradimento: vt inuitatum in arcem Raceburgi, vincitum traderet Imperatori. Turbatus ille inaudita re, obstupuit: & cum nihil dignum respondere videre

tur in faciē obijcienti, aucta est in eum suspicio: Captum
 pertraxit in obsidionem arcis sua in Raceburgo. Qui in-
 tūs fuere custodes, iubente Bernharde, ducem intromi-
 sere: Tum vinculis laxatus Bernhardus, abiit in Gode-
 busch. Cūque nec sic duci quiescere videretur, sequen-
 tus illum armata multitudine, & indē propulit profu-
 gentem ad Bernhardum creatū ducem Saxonie. Hen-
 ricus dux cum multa prada reuertitur. Interim ciuita-
 tem suam Lubicam, quā dudum ab Adolpho acceperat,
 communiuit: arcēque Holsatiae comitatibus & armis
 impleuit: vt Imperatoris impetū ibi sustineret. Sed Im-
 perator, iam per Saxoniam rebus ex sententia constitu-
 tis, descendere cōstituit in partes Albis fluminis, vbi de-
 litescere sensit Henricum. Commisit ergo Brunswicum
 Philippo archiepiscopo Coloniensi: Arcem autem Lune-
 burgi inexpugnabilem seruauere ducales: Indē quoque
 prospiciens Imperator, Bernhardū ducem & Ottonem
 eius fratrem marchionem, cum praesidio manere iussit in
 Bardewico: Ipse agmina promouens, Albim fluuium at-
 tigit. Habebat autem in comitatu Wichmannum archi-
 episcopum Magdeburgensem, abbates Fuldensem, Cor-
 beensem, Hersfeldensem, Ottonem de Misna marchi-
 onem, & multos nobiles de Bauaria & Sueuia: Ludo-
 uicum autem prouincialem Thuringiae, quem Lunebur-
 gi captū dux tenuit, produci iussit in Zegeberge. Cū
 autem Imperator ad Albim consisteret, dux Lubica pro-
 spexit, illam, vt poterat, communiēs, machinis in oppor-
 tuna loca deductis. In die apostolorum Petri & Pauli
 petijt Raceburgum: Ibi rebus ordinatis, cum omni-
 bus qui erant in praesidio, deducitur in Erteneborg, vt
 Imperatori se obiectaret. Cernentes qui remanserant
 in arce de parte comitis eiekti, quia soli relinquebantur

Ff ad

ad arcis custodiam, erecti animo portas serauerunt, arcem comiti, excluso duce, seruantes: Vbi innotuit res duci, infrenduit: & vocatis de Holsatia militum praesidijs, expugnare paucos facile duxit. Interea aderant, qui Imperatorem propinquare nunciarent. Dux, Erteneborg arce incensa, quod illi diffideret, per fluiuij deuexa transijt in Stadium, ibi rerum exitus praestolaturus: Nam vires militum non aderant, quibus venientem aut remoraretur, aut exciperet Imperatorem.

CAPVT XLIII.

Imperator Albi transcenso progressus, miratur quod Lubica tam noua originis causa sit portas claudere venienti: Inerat autem Henrici ducis validum praesidium: de Tekeneborg, de Aldenborg, de Dwoelpe comites, Marcradus Holsatorum praefectus, & Emico de Nemo-re. Cumq; euocatus Dwaldemar rex Daniae occurrisset Imperatori de mari, celebrato solenni inter reges colloquio, in obsidione vrbis, quod in Dwandalia scripsimus, ciuitas vndique cincta oppugnatur. Misere ciues episcopum suum Henricum, qui apud Imperatorem efficeret, vt legatio illis ad dominum suum permitteretur: quod in Dwandalia sumus exequuti. Permisere se tandem Imperatori, qui insignibus priuilegijs urbem ornauit. Hamburgenses quoque ibi per Adolphum comitem assequeuti sunt non vulgarem gratiam ab Imperatore. Donauit tamen Imperator Adolpho comiti, dimidium telonij ac tributorum de molendinis, de trapezitis, beneficio feudali: Nam Imperio utilis futurus videbatur: Accessit quod pater eius secundus Adolphus dominium tenuit a se fundata ciuitatis: quam hic Adolphus vrgenti Henrico duci, quod supra ostendimus, satis inuitus permisit. Rebus igitur apud
Lubi